



21. VII. 1988



SLUŽBENI LIST

SOCIJALISTIČKE REPUBLIKE BOSNE I HERCEGOVINE

Godina XLIV – Broj 23

Četvrtak, 7. jula 1988.
SARAJEVOGodišnja pretplata 45.000 dinara
Cijena ovom broju 500 dinara
Žiro-račun 10100-603-1396

234

Na osnovu člana 349. stav 1. tačka 5. Ustava Socijalističke Republike Bosne i Hercegovine, Predsjedništvo Socijalističke Republike Bosne i Hercegovine, donosi

UKAZ

O PROGLAŠENJU ZAKONA O IZMJENAMA I DOPUNAMA ZAKONA O PROSTORNOM UREĐENJU

Proglašava se Zakon o izmjenama i dopunama Zakona o prostornom uređenju, koji je donijela Skupština Socijalističke Republike Bosne i Hercegovine na sjednici Vijeća udruženog rada od 24. juna 1988. godine i na sjednici Vijeća opština od 24. juna 1988. godine.

PR broj 992
24. juna 1988. godine
SarajevoPredsjednik
Predsjedništva SRBiH,
dr Nikola Filipović, s. r.

ZAKON

O IZMJENAMA I DOPUNAMA ZAKONA O PROSTORNOM UREĐENJU

Član 1.

U Zakonu o prostornom uređenju – Prečišćeni tekst (»Službeni list SRBiH«, broj 9/87) u članu 231. u stavu 3. broj »11« zamjenjuje se brojem »9«.

Član 2.

U članu 232. u stavu 1. iza tačke 7. tačka se zamjenjuje za-rezom i dodaje se nova tačka 8. koja glasi:
»8. ako izda urbanističku saglasnost suprotno odredbama člana 234. ovog zakona«.

Član 3.

Član 234. mijenja se i glasi:

»Do donošenja planova iz člana 123. ovog zakona, a najkasnije do 31. decembra 1990. godine, urbanistička saglasnost izdaje se na osnovu odluke skupštine opštine.

Odlukom iz prethodnog stava određuju se podaci i uslovi potrebni za izdavanje urbanističke saglasnosti u skladu sa članom 132. ovog zakona, kao i ovlaštenje za davanje stručnog

mišljenja nadležnom organu koji izdaje urbanističku saglasnost.«.

Član 4.

Ovaj zakon stupa na snagu osmog dana od dana objavljivanja u »Službenom listu SRBiH«.

235

Na osnovu člana 349. stav 1. tačka 5. Ustava Socijalističke Republike Bosne i Hercegovine, Predsjedništvo Socijalističke Republike Bosne i Hercegovine, donosi

UKAZ

O PROGLAŠENJU ZAKONA O DOPUNI ZAKONA O SISTEMU DRUŠTVENOG PLANIRANJA I O DRUŠTVENOM PLANU BOSNE I HERCEGOVINE

Proglašava se Zakon o dopuni Zakona o sistemu društvenog planiranja i o društvenom planu Bosne i Hercegovine, koji je donijela Skupština Socijalističke Republike Bosne i Hercegovine na sjednici Vijeća udruženog rada od 24. juna 1988. godine, na sjednici Društveno-političkog vijeća od 23. juna 1988. godine, na sjednici Vijeća opština od 24. juna 1988. godine.

PR broj 993
24. juna 1988. godine
SarajevoPredsjednik
Predsjedništva SRBiH,
dr Nikola Filipović, s. r.

ZAKON

O DOPUNI ZAKONA O SISTEMU DRUŠTVENOG PLANIRANJA I O DRUŠTVENOM PLANU BOSNE I HERCEGOVINE

Član 1.

U Zakonu o sistemu društvenog planiranja i o društvenom planu Bosne i Hercegovine (»Službeni list SRBiH«, br. 18/78, 33/80 i 32/83) iza člana 149b. dodaje se novi član 149c. koji glasi:

»Član 149c.

Izuzetno od odredbe člana 121. stav 2. ovog zakona u 1989. i 1990. godini, radi prilagođavanja izmijenjenim uslovima i

sprečavanja i otklanjanja većih poremećaja u tokovima društvene reprodukcije, usklađivanje ciljeva i sredstava za ostvarivanje plana sa realno ocijenjenim mogućnostima i uslovima razvoja i usklađivanje materijalnih okvira razvoja predviđenih srednjoročnim planom za period od 1986. do 1990. godine sa mogućnostima razvoja u tekućoj godini, vrši se aktom o ostvarivanju srednjoročnog plana za pojedinu godinu.«.

Član 2.

Ovaj zakon stupa na snagu osmog dana od dana objavljivanja u »Službenom listu SRBiH«.

236

Na osnovu Amandmana XIII, tačka 8. alineja 6. na Ustav Socijalističke Republike Bosne i Hercegovine, Skupština Socijalističke Republike Bosne i Hercegovine, na zajedničkoj sjednici vijeća održanoj 23. juna 1988. godine, donijela je

ODLUKU

O IZMJENAMA I DOPUNAMA POSLOVNIKA SKUPŠTINE SOCIJALISTIČKE REPUBLIKE BOSNE I HERCEGOVINE

Član 1.

U Poslovniku Skupštine Socijalističke Republike Bosne i Hercegovine - prečišćeni tekst (»Službeni list SRBiH«, broj 29/85) u članu 35. stav 2. briše se, a dodaju se novi st. 2, 3. i 4, koji glase:

»U Delegatskim novinama, 35 dana prije dana određenog za održavanje sjednice vijeća, objavljuju se u potpunom tekstu sa obrazloženjem:

- nacrti zakona, drugih propisa i opštih akata, akata u kojima se vrše bitne promjene, za koje je to programom rada Skupštine predviđeno;
- nacrt društvenog plana, prostornog plana i rezolucija o politici ostvarivanja društvenog plana;
- osnove budžeta i nacrt opšteg bilansa sredstava Republike.

U Delegatskim novinama se u izvodu, sa obrazloženjem objavljuju nacrti i predlozi dugoročnih planova (strategije razvoja) pojedinih oblasti i grana privrede i društvenih djelatnosti, najmanje 45 dana prije dana određenog za održavanje sjednice vijeća na kojoj će se razmatrati, s tim da se delegaciji, na njen zahtjev, dostavlja potpuni tekst tih materijala.

U Delegatskim novinama delegacije se obavještavaju i o drugim materijalima koji će se razmatrati u Skupštini«.

Dosadašnji st. 3. i 4. postaju st. 5. i 6.

Član 2.

Član 36. mijenja se i glasi:

»O ostvarivanju programske koncepcije i uređivačke politike Delegatskih novina stara se Savjet Delegatskih novina Skupštine SRBiH za delegate i delegacije koji obrazuje i njegove članove imenuje Vijeće udruženog rada, Društveno-političko vijeće i Vijeće opština, na predlog Komisije za kadrovska pitanja.«

Član 3.

Iza člana 37. dodaje se novi član 37a, koji glasi:

»Član 37a.

Na zajedničkoj sjednici vijeća Skupštine, sjednicama vijeća Skupštine i na sjednicama radnih tijela Skupštine i vijeća, vijeća Skupštine odnosno radna tijela mogu odlučiti da se o pitanjima iz člana 30. ovog poslovnika raspravlja bez prisustva javnosti.«.

Član 4.

Član 38. mijenja se i glasi:

»Prava i dužnosti glavnog i odgovornog urednika i redakcije, prava i dužnosti predstavnika sredstava javnog informisanja u Skupštini, način obavješćavanja javnosti o radu Skupštine i druga pitanja o izdavanju i uređivanju Delegatskih novina uređuju se pravilnikom koji donosi Komisija za informisanje.«.

Član 5.

U članu 60. u stavu 1. iza riječi »dva« dodaju se riječi »odnosno tri«.

Stav 2. se briše, a dosadašnji stav 3. postaje stav 2.

Član 6.

Iza člana 60. dodaje se novi čl. 60a. i 60b, koji glase:

»Član 60a.

Zajedničku sjednicu vijeća Skupštine odnosno vijeća i skupštine samoupravne interesne zajednice koja ravnopravno učestvuje u odlučivanju sa vijećima Skupštine, sazivaju njihovi predsjednici sporazumno, a predsjedavaju joj po dogovoru.

Član 60b.

U slučaju kada vijeća Skupštine i skupština samoupravne interesne zajednice koja ravnopravno učestvuje u odlučivanju sa vijećima Skupštine raspravljaju o pitanjima iz nadležnosti Skupštine o kojem ta skupština ravnopravno odlučuje s nadležnim vijećima Skupštine shodno se primjenjuju odredbe čl. 57. do 60. ovog poslovnika.«.

Član 7.

U članu 65. iza stava 1. dodaje se novi stav 2, koji glasi: »Zajednička radna tijela vijeća obrazuju se posebnom odlukom koju vijeća donose u ravnopravnom djelokrugu svoga rada.«.

Dosadašnji stav 2. postaje stav 3.

Iza stava 3. dodaje se novi stav 4, koji glasi:

»Odlukom o obrazovanju zajedničkog radnog tijela iz st. 2. i 3. uređuje se naziv, sastav, zadaci, ovlaštenja i način rada zajedničkog radnog tijela.«.

Član 8.

U članu 66. u stavu 1. broj »15« zamjenjuje se brojem »20«.

Član 9.

U članu 69. u stavu 1. alineja 7. mijenja se i glasi:

»- koordinaciji rada i ostvarivanju odnosa Skupštine sa Izvršnim vijećem i saradnji sa skupštinama opština, Skupštinom grada Sarajeva i skupštinama samoupravnih interesnih zajednica organizovanih, odnosno udruženih za teritoriju Republike, koje ravnopravno učestvuju u odlučivanju sa vijećima Skupštine;«

Stav 4. briše se.

Dosadašnji stav 5. koji postaje stav 4. mijenja se i glasi:

»Predsjednik Skupštine može, kada ocijeni da je to neophodno, na sastanke pozivati i predsjednike radnih tijela Skupštine i vijeća.«.

Dosadašnji stav 6. postaje stav 5.

Član 10.

U članu 75. u stavu 2. u prvom redu riječ »i« zamjenjuje se zarezom, a iza riječi: »Zakonodavno-pravna komisija« dodaju se riječi: »i Komisije za praćenje sprovođenja Zakona o udruženom radu.«, a riječi: »ne može biti veći od jedne trećine« zamjenjuju se riječima: »mora biti manji od jedne polovine«.

Stav 3. mijenja se i glasi:

»Broj članova Komisije određuje se prilikom izbora članova komisije tako da iz svakog vijeća Skupštine bude isti broj delegata.«.

U stavu 4. na kraju teksta tačka se briše i dodaju riječi: »i može biti ponovo biran.«.

Član 11.

Iza člana 75. dodaje se novi član 75a, koji glasi:

»Član 75a.

Skupština posebnom odlukom, polazeći od ocjena, značaja, obima i specifičnosti pitanja iz djelokruga radnih tijela Skupštine, odnosno vijeća utvrđuje u kojim radnim tijelima funkciju predsjednika obavljaju delegati na stalnom radu u Skupštini.«.

Član 12.

U članu 78. u stavu 5. na kraju teksta tačka se zamjenjuje zarezom i dodaju riječi: »ako ovim poslovnikom nije drukčije određeno.«.

Član 13.

U članu 97. u posljednjoj alineji na kraju teksta tačka se zamjenjuje tačkom i zarezom i dodaju tri nove alineje, koje glase:

»- odlučuje o prenosu jednokratnog davanja stana na korišćenje na drugo društveno-pravno lice;

- odlučuje o davanju saglasnosti za zamjenu stana po zahtjevu nosioca stanarskog prava;

- priprema i podnosi Skupštini predlog akta kojim se uređuje način, metodologija, evidentni list i drugi potrebni pokazatelji o funkcionerima koje bira ili imenuje Skupština za koje se vodi evidencija o imovini prije izbora, odnosno imenovanja i nakon prestanka vršenja funkcije.«.

Član 14.

U članu 118. stav 2. mijenja se i glasi:

»Glasanje se vrši dizanjem ruke, upotrebom odgovarajućih tehničkih sredstava u sali za sjednice ili poimenično.«.

Član 15.

Iza člana 118. dodaje se novi član 118a, koji glasi:

»Član 118a.

Glasanje upotrebom odgovarajućih tehničkih sredstava u sali za sjednice, vrši se tako što se, na poziv predsjednika, delegati po vijećima prema oznakama na stolu ispred sjedišta, izjašnjavaju istovremeno ko je za predlog pritiskom na dugme sa oznakom »ZA«, ko je protiv predloga pritiskom na dugme sa oznakom »PR« i da li se ko uzdržao od glasanja pritiskom na dugme sa oznakom »UZ«.

Član 16.

U članu 125. iza stava 1. dodaje se novi stav 2, koji glasi:

»U fazi evidentiranja kandidata za izbor funkcionera iz prethodnog stava, vijeća Skupštine utvrđuju svoje predloge i dostavljaju ih Komisiji za kadrovska pitanja sa orijentacijom da se u postupku kandidovanja obezbijede najmanje tri kandidata za svaku funkciju odnosno po jedan kandidat iz svakog vijeća.«.

Dosadašnji st. 2, 3, 4, 5. i 6. postaju st. 3, 4, 5, 6. i 7.

Član 17.

U članu 128. iza stava 2. dodaje se novi stav 3, koji glasi: »O predlogu za izbor članova iz prethodnog stava, kad se izbor vrši radi izmjena ili dopuna sastava ovih organa, Delegacije ili komisija, glasa se za svakog kandidata posebno.«.

Dosadašnji st. 3. i 4. postaju st. 4. i 5.

Član 18.

Član 129. mijenja se i glasi:

»Glasanje o predlogu za izbor, odnosno za imenovanje je tajno.

Skupština može na predlog jednog ili više delegata da odluči da se izbor, odnosno imenovanje vrši javnim glasanjem.

Član Predsjedništva SFRJ bira se tajnim glasanjem.«.

Član 19.

Član 134. mijenja se i glasi:

»Ako je bilo predloženo onoliko kandidata koliko se bira, odnosno imenuje izabrani su, odnosno imenovani kandidati koji su dobili potrebnu većinu glasova.

Ako je bilo predloženo više kandidata nego što se bira, odnosno imenuje izabrani su, odnosno imenovani oni kandidati koji su dobili najveći broj glasova i potrebnu većinu.

Ako jedan ili više kandidata iz stava 1. ovog člana nisu dobili potrebnu većinu glasova, ponavlja se cijeli izborni postupak za onoliko kandidata koliko ih nije izabrano, odnosno imenovano.

Ako su u slučaju iz stava 2. ovog člana dva ili više kandidata dobili isti broj glasova i imaju potrebnu većinu, ponavlja se glasanje za te kandidate. Ako i u ponovljenom glasanju dobiju isti broj glasova, ponavlja se cijeli izborni postupak za onoliko kandidata koliko ih nije bilo izabrano, odnosno imenovano.

Glasanje se ponavlja i u slučaju ako ni jedan od predloženih kandidata iz stava 2. ovog člana ne bude izabran, odnosno imenovan. Ako ni u ponovljenom glasanju ni jedan od predloženih kandidata ne bude izabran, odnosno imenovan ponavlja se cijeli izborni postupak.

U slučaju iz st. 4. i 5. ovog člana, prije ponovnog glasanja predloženi kandidat može odustati od kandidature, a podnosi-lac predloga kandidature povući kandidaturu.«.

Član 20.

Iza člana 134. dodaju se novi podnaslov i čl. 134a, 134b, 134c, 134d. i 134e, koji glase:

»dd) Postupak o smjenjivanju, opozivu i ostavci funkcionera

Član 134a.

U postupku za utvrđivanje odgovornosti, u skladu sa ustavom i zakonom, o smjenjivanju, opozivu i ostavci funkcionera koje bira ili imenuje Skupština, shodno se primjenjuju odredbe čl. 122. do 134. ovog poslovnika.

Član 134b.

Funkcioner iz člana 125. ovog poslovnika kog bira ili imenuje Skupština može biti smijenjen sa funkcije ako funkciju ne vrši u skladu sa ustavom i zakonom i u okviru datih ovlašćenja.

Član 134c.

Funkcioner iz člana 125. ovog poslovnika koga bira ili imenuje Skupština može biti opozvan sa funkcije ako funkciju ne vrši savjesno, odgovorno ili dovoljno uspješno.

Član 134d.

Kad funkcioner iz člana 125. ovog poslovnika podnese ostavku, predsjednik Skupštine o tome obavještava organ koji je nadležan da predloži njegov izbor odnosno imenovanje radi davanja mišljenja, kao i Komisiju za kadrovska pitanja.

Po prijemu mišljenja iz prethodnog stava predsjednik Skupštine podnesak o ostavci funkcionera, zajedno sa mišljenjem dostavlja delegatima Skupštine.

Član 134e.

Skupština razmatra ostavku iz prethodnog člana i može odlučiti da je uvaži zbog razloga navedenih u njenom obrazloženju.

Razmatrajući ostavku, Skupština može odlučiti da je ne uvaži ako ocijeni da postoje razlozi za utvrđivanje odgovornosti podnosioca ostavke.

Ako ocijeni da postoje razlozi za utvrđivanje odgovornosti u smislu prethodnog stava Skupština će sprovesti postupak za smjenjivanje ili opoziv sa funkcije podnosioca ostavke.«.

Član 21.

Iza člana 166. dodaje se novi član 166a, koji glasi:

»Član 166a.

Kad Skupština vrši izmjene ili dopune opštih akata Skupštine, zakon mijenja ili dopunjuje Zakonom, a ostale opšte akte, osim zaključaka, odlukom.

Zaključak se mijenja ili dopunjuje zaključkom.

Autentično tumačenje se ne može mijenjati ili dopunjavati.«.

Član 22.

Član 167. mijenja se i glasi:

»Autentično tumačenje zakona daju nadležna vijeća i skupština samoupravne interesne zajednice koja je učestvovala u donošenju zakona.«.

Član 23.

Član 169. mijenja se i glasi:

»Deklaracijom se izražava opšti stav Skupštine o pitanjima unutrašnje ili vanjske politike, o pitanjima ekonomske politike, te o drugim bitnim pitanjima od interesa za Republiku.«.

Član 24.

U članu 172. st. 1. i 2. mijenjaju se i glase:

»Odluka se donosi kao akt vršenja prava Skupštine, kao propis za izvršenje zakona ili drugih opštih akata Skupštine, ili kao akt uređivanja unutrašnje organizacije i odnosa u Skupštini.

Odlukom kao aktom vršenja prava Skupštine, vijeća u okviru svog djelokruga, odlučuju o davanju saglasnosti Skupštine na predlog da se pristupi promjeni Ustava SFRJ i saglasnosti Skupštine o promjeni Ustava SFRJ, odlučuju o promjeni Ustava SRBiH, odlučuju o izboru odnosno imenovanju i razrješenju, smjenjivanju, opozivu i ostavci, o davanju potvrde, odnosno saglasnosti na samoupravne opšte akte samoupravnih organizacija i zajednica, kao i o drugim pravima Skupštine kad je to ustavom, zakonom ili ovim poslovnikom određeno.«.

Član 25.

U članu 173. st. 1, 2. i 3. mijenjaju se i glase:

»Zaključkom, vijeće može u okviru svog djelokruga da odlučuje o svom radu i radu radnog tijela koje je obrazovalo, kao i o radu službi Skupštine za potrebe vijeća i njegovih tijela.

Zaključkom, vijeće može u okviru svog djelokruga, da utvrđuje i obaveze Izvršnog vijeća i republičkih organa uprave u pogledu pripremanja zakona, drugih propisa i opštih akata ili vršenja drugih poslova iz njegovog djelokruga.

Zaključkom, vijeće može da zauzima stav u vezi sa pitanjem koje je razmatralo, osim pitanja o stavu koje se izražava deklaracijom.«.

Stav 4. briše se.

Član 26.

Iza člana 173. dodaje se novi član 173a, koji glasi:

»Član 173a.

Radna tijela Skupštine i vijeća mogu da donose zaključke samo o svom radu.«.

Član 27.

U članu 174. stav 1. briše se.

Član 28.

Iza člana 174. dodaje se novi član 174a, koji glasi:

»Član 174a.

Smjernice daju vijeća u okviru svog djelokruga.

Smjernice se obavezno daju republičkim organima uprave i republičkim upravnim organizacijama povodom razmatranja izvještaja o njihovom radu.«.

Član 29.

U članu 175. riječi: »obavještava o tome Predsjedništvo« zamjenjuju se riječima: »dostavlja zakon Predsjedništvu«.

Član 30.

U članu 176. u st. 2. i 4. riječi: »osim zakona«, brišu se.

U stavu 3. iza riječi »vijeća« stavlja se zarez i dodaju riječi: »odnosno radnog tijela vijeća«.

Član 31.

Iza člana 176. dodaje se novi član 176a, koji glasi:

»Član 176a.

Izvornikom zakona odnosno drugog propisa i opšteg akta Skupštine smatra se onaj tekst zakona odnosno drugog propisa i opšteg akta koji je usvojen na sjednici nadležnog vijeća, odnosno u istovjetnom tekstu na sjednicama nadležnih vijeća i skupštine samoupravne interesne zajednice kada ona ravnopravno odlučuje o donošenju zakona sa nadležnim vijećima.«.

Član 32.

U članu 179. stav 1. mijenja se i glasi:

»Inicijativu za donošenje zakona mogu pokrenuti organizacije udruženog rada, privredne komore i druga opšta udruženja i zajednice i druge samoupravne organizacije i zajednice, društveno-političke organizacije, društvene organizacije, državni organi, radni ljudi i građani.«.

Član 33.

U članu 180. u stavu 2. riječi: »Na sjednicu« zamjenjuju se riječima: »O sjednici«, a riječ »poziva« zamjenjuje se riječju »obavještava«.

Član 34.

U članu 181. riječi: »u dogovoru sa predsjednikom vijeća,« brišu se.

Član 35.

Iza člana 181. dodaje se novi član 181a, koji glasi:

»Član 181a.

Vijeće prethodno razmatra da li će razmatrati teze za izradu zakona ili će zaključkom obavezati predlagача da odmah pripremi nacrt zakona.

Ako vijeće prihvati da razmatra teze za izradu zakona, zaključkom utvrđuje potrebu donošenja zakona, načela na kojim treba da se zasniva nacrt zakona i osnovna pitanja koja treba urediti zakonom.«.

Član 36.

U članu 183. u stavu 1. na kraju teksta dodaje se nova rečenica koja glasi:

»Pojedine odredbe mogu se dati u jednoj ili više alternativa.«.

Iza stava 2. dodaju se novi st. 3. i 4, koji glase:

»Kad se u nacrtu zakona predlaže povratno dejstvo pojedinih odredaba zakona, u obrazloženju treba posebno obrazložiti postojanje opšteg interesa za propisivanje povratnog dejstva tih odredaba zakona.

Kad se u nacrtu zakona predlaže stupanje na snagu zakona u roku kraćem od osam dana od dana objavljivanja, potrebno je u obrazloženju uz objašnjenje tog pravnog rješenja, navesti opravdanost potrebe da zakon stupi na snagu u roku kraćem od osam dana.«.

Dosadašnji st. 3. i 4. postaju st. 5. i 6.

Član 37.

U članu 185. u stavu 2. na kraju teksta briše se tačka i dodaju riječi: »osim za akte navedene u članu 35. st. 2. i 3. ovog poslovnika.«.

Član 38.

Član 186. mijenja se i glasi:

»Prije pretresa nacrt zakona na sjednici vijeća nacrt zakona razmatra nadležno radno tijelo vijeća, odnosno Skupštine i o tome podnosi izvještaj vijeću, najkasnije osam dana prije dana održavanja sjednice vijeća.«.

Član 39.

U članu 187. stav 1. mijenja se i glasi:

»Zakonodavno-pravna komisija razmatra, u okviru svog djelokruga, nacrt zakona i podnosi nadležnim vijećima Skupštine i skupštini samoupravne interesne zajednice koja odlučuje sa nadležnim vijećem izvještaj sa svojim mišljenjem, primjedbama i predlozima najkasnije osam dana prije dana održavanja sjednice vijeća.«.

Član 40.

Član 191. mijenja se i glasi:

»Postupak za donošenje zakona obuhvata razmatranje nacrt i predloga zakona.«.

Član 41.

Iza člana 191. dodaju se novi podnaslov i član 191a, koji glase:

»d) Skraćeni postupak za donošenje zakona

Član 191a.

Kad je to programom rada Skupštine predviđeno ili kad nije u pitanju složen i obiman zakon, podnosilac predloga zakona može umjesto nacrt da podnese predlog zakona i da predloži da se predlog zakona pretresa bez nacrt zakona.

Predlog zakona iz prethodnog stava dostavlja se delegatima u roku koji ne može biti kraći od 20 dana od dana određenog za održavanje sjednice vijeća na kojoj će se pretresati predlog zakona.

Ako donošenje tog zakona po skraćenom postupku nije predviđeno Programom rada Skupštine, vijeće prethodno ocjenjuje da li je u pitanju manje složen ili obiman zakon i ako ocijeni da nije složen ili obiman i prihvati predlog predlagača prelazi na pretres predloga zakona.

Ako vijeće ne prihvati da pretresa predlog zakona po skraćenom postupku sa predlogom zakona će se postupiti kao sa nacrtom i o tome nacrtu vrši se odmah pretres.«.

Član 42.

Iza člana 191a. dodaje se novi podnaslov, koji glasi:

»e) Javna diskusija o nacrtima zakona, drugim propisima ili opštim aktima«

Dosadašnji podnaslovi »d), e), f), g) i h) postaju podnaslovi f), g), h), i) i j)«.

Član 43.

Član 192. mijenja se i glasi:

»Kada je programom rada Skupštine predviđeno ili kada vijeće prihvati nacrt zakona može odlučiti, ako je riječ o pitanjima koja su posebno značajna za radne ljude i građane, organizacije udruženog rada i druge samoupravne organizacije i zajednice, i kad je neophodno da se izvrši najšira konsultacija zainteresovanih organa i organizacija, naučnih i stručnih institucija, radnih ljudi i građana, da nacrt zakona ili pojedino pitanje iz tog nacrt stavi na javnu diskusiju.

Vijeće može donijeti odluku iz prethodnog stava i na inicijativu ovlaštenog predlagača zakona ili nadležnog organa društveno-političke organizacije na nivou Republike.«.

Član 44.

Iza člana 192. dodaju se novi čl. 192a, 192b, 192c, 192d, 192e. i 192f, koji glase:

»Član 192a.

Ako odluči da nacrt zakona ili pojedino pitanje iz tog nacrt stavi na javnu diskusiju, vijeće zaključkom:

- određuje način objavljivanja nacrt zakona ili pojedinog pitanja iz nacrt;
- određuje radno tijelo vijeća koje će se starati o praćenju javne diskusije;
- utvrđuje potrebna finansijska sredstva i izvore sredstava za organizovanje i provođenje javne diskusije;
- utvrđuje rok u kome treba da se provede javna diskusija;
- uređuje način prikupljanja i sređivanja mišljenja i predloga iz javne diskusije.

Član 192b.

Republička konferencija Socijalističkog saveza radnog naroda Bosne i Hercegovine u skladu sa ulogom Socijalističkog saveza radnog naroda u političkom sistemu organizuje i vodi javnu diskusiju o nacrtu zakona.

Član 192c.

U organizovanju i provođenju javne diskusije o nacrtu zakona radno tijelo vijeća sarađuje s organima i tijelima Socijalističkog saveza radnog naroda Bosne i Hercegovine i drugih društveno-političkih organizacija, s organizacijama udruženog rada i drugim samoupravnim organizacijama i zajednicama, kao i naučnim i stručnim institucijama.

Član 192d.

O rezultatima javne diskusije o nacrtu zakona radno tijelo vijeća podnosi izvještaj vijeću.

Izvještaj radnog tijela vijeća, koje je zaduženo da prati javnu diskusiju, sadrži rezultate javne diskusije, sa predlogom iznesenih mišljenja i predloga o pojedinim pitanjima.

Izvještaj radnog tijela vijeća dostavlja se predlagaču akta. Predlagač zakona je dužan da pri pripremi predloga zakona uzme u obzir predloge i mišljenja sadržane u izvještaju radnog tijela vijeća o rezultatima javne diskusije, kao i da obrazloži razloge zbog kojih nije prihvatio pojedine predloge i mišljenja koji su izneseni u javnoj diskusiji.

Član 192e.

Ako je radno tijelo vijeća koje podnosi izvještaj o praćenju javne diskusije i predlagač zakona ono može zajedno sa izvještajem dostaviti predlog zakona.

Ako je vijeću dostavljen i predlog zakona koji je pripremljen na osnovu rezultata javne diskusije, vijeće može na istoj sjednici vijeća razmatrati izvještaj o rezultatima javne diskusije i predlog zakona.

Član 192f.

Odredbe ovog poslovnika koje se odnose na javnu diskusiju o nacrtu zakona, shodno se primjenjuju i na javnu diskusiju o nacrtima drugih propisa ili opštih akata Skupštine.

Član 45.

U članu 193. u stavu 2. riječ »naročito« zamjenjuje se riječima: »pored pitanja iz člana 183. stav 2. ovog poslovnika.«.

Član 46.

Iza podnaslova »e) Amandmani« dodaje se novi član 198a, koji glasi:

»Član 198a.

Pravo predlaganja amandmana ima svaki delegat u svom vijeću, Izvršno vijeće, radno tijelo Skupštine odnosno vijeća i skupština opštine.

Član 47.

U članu 199. st. 4. i 5. mijenjaju se i glase:

»Amandman se podnosi predsjedniku vijeća u roku koji ne može biti kraći od deset dana od dana određenog za održavanje sjednice vijeća na kojoj će se pretresati predlog zakona. Izuzetno delegat može na zahtjev delegacije podnijeti amandman i u roku kraćem iz prethodnog stava ali ne kraćem od tri dana.«.

Član 48.

Iza člana 199. dodaju se novi čl. 199a, 199b, 199c, i 199d, koji glase:

»Član 199a.

Na amandman predlagača zakona delegat može podnijeti amandman do zaključenja pretresa.

Kad se amandmanom mijenjaju načela na kojima se zasniva zakon ili se angažuju značajnija materijalna sredstva, na predlog deset delegata, Izvršnog vijeća, Zakonodavno-pravne komisije, nadležnog ili drugog radnog tijela Skupštine i vijeća, vijeće može odlučiti da se odloži rasprava radi zauzimanja stavova u delegacijama.

Član 199b.

Ukoliko se amandmanom bitnije mijenja tekst predloga za kona o amandmanu se ne može odlučiti prije nego što se o njemu ne izjasne nadležna radna tijela Skupštine i vijeća, Zakonodavno-pravna komisija i Izvršno vijeće.

Član 199c.

Ako amandman na predlog zakona sadrži odredbe kojima se angažuju finansijska sredstva predsjednik vijeća dostavlja amandman i radnom tijelu vijeća u čiji djelokrug spadaju pitanja obezbjeđenja sredstava i raspolaganja sredstvima da razmotri uticaj odredaba amandmana na raspoloživa sredstva i na obezbjeđenje sredstva za finansiranje predloženog rješenja i da o tome izvijesti vijeće.

Član 199d.

Povodom amandmana na predlog zakona podnesenog u toku pretresa, vijeće može odlučiti da se pretres prekine da bi se o amandmanu izjasnili Izvršno vijeće, nadležna radna tijela i Zakonodavno-pravna komisija.

Član 49.

U članu 200. u stavu 3. iza riječi »amandman« dodaju se riječi: »drugog ovlaštenog predlagača«.

Iza stava 3. dodaju se novi st. 4. i 5, koji glase:

»Ako delegat zatraži da se o amandmanu iz prethodnog stava vijeće posebno izjasni o tome amandmanu se glasa odvojeno.

Ako predlog zakona nije podnijelo Izvršno vijeće o amandmanu na predlog zakona sa kojim se nije saglasilo Izvršno vijeće – vijeće glasa odvojeno.

Član 50.

U lačlanu 203. u stavu 1. na kraju teksta tačka se briše i dodaju riječi: »na sjednici vijeća prije utvrđivanja dnevnog reda.«.

Član 51.

Iza člana 205. dodaje se novi član 205a, koji glasi:

»Član 205a.

Zakonodavno-pravna komisija sa prisutnim članovima Komisije na sjednici razmatra amandmane iz prethodnog člana i podnosi izvještaj nadležnim vijećima.

Član 52.

U članu 206. stav 1. mijenja se i glasi:

»Zakon koji donosi vijeće samostalno, smatra se donesenim kad ga usvoji vijeće.«.

Član 53.

U članu 208. st. 2. i 3. brišu se.

Član 54.

Iza člana 208. dodaje se novi član 208a, koji glasi:

»Član 208a.

Predsjednik vijeća koje je izvršilo izmjenu u predlogu zakona, u čijem donošenju učestvuju dva ili sva tri vijeća, izvještava predsjednika drugog vijeća o izvršenoj izmjeni.

Predsjednik drugog vijeća upoznaje vijeće sa izmjenama koje su u predlogu zakona izvršene.

Član 55.

U članu 211. iza stava 1. dodaje se novi stav 2, koji glasi: »Usaglašavanje stavova, iz prethodnog stava vijeća vrše u zajedničkoj komisiji od po pet članova iz svakog vijeća kojoj se povjerava sastavljanje predloga za rješenje spornog pitanja.«.

Dosadašnji stav 2. postaje stav 3.

Član 56.

Iza podnaslova »h) Vršenje ispravki u zakonu« dodaje se novi član 211a, koji glasi:

»Član 211a.

Predlog za ispravke štamparskih grešaka u objavljenom tekstu zakona i drugih opštih akata Skupštine podnosi republički organ uprave koji je nadležan za staranje o izvršavanju tih akata.

Član 57.

U članu 212. iza riječi: »zakona« u prvom i drugom redu dodaju se riječi: »i drugih propisa i opštih akata Skupštine«.

Član 58.

U članu 215. na kraju stava 2. iza riječi: »Skupštine« tačka se briše i dodaju riječi: »ili posebnom odlukom Skupštine na predlog Izvršnog vijeća.«.

Član 59.

U članu 216. na kraju teksta tačka se briše i dodaju riječi: »odnosno posebnom odlukom Skupštine.«.

Član 60.

U članu 218. u stavu 6. iza riječi: »sa« dodaju se riječi: »ustavom i«.

Član 61.

Član 219. mijenja se i glasi:

»Autentično tumačenje je opšti akt kojim se utvrđuje istinitost, vjerodostojnost, izvornost i pravilan smisao nedovoljno jasne odredbe republičkog zakona.

Autentično tumačenje se primjenjuje i važi od dana primjene odredbe republičkog zakona za koju se daje autentično tumačenje.«.

Član 62.

Član 220. mijenja se i glasi:

»Inicijativu za davanje autentičnog tumačenja zakona mogu podnijeti radni ljudi i građani, društvene organizacije i udruženje građana, organizacije udruženog rada i druge samoupravne organizacije i zajednice.

Predlog za davanje autentičnog tumačenja zakona može podnijeti svaki delegat Skupštine, radno tijelo Skupštine i vijeća, Izvršno vijeće, skupština samoupravne interesne zajednice kada ona ravnopravno odlučuje u donošenju zakona sa nadležnim vijećem, skupština opštine, skupština grada Sarajeva, organi društveno-političkih organizacija na nivou Republike i Privredna komora Bosne i Hercegovine.

Predlog za davanje autentičnog tumačenja zakona može podnijeti i Ustavni sud Bosne i Hercegovine, Vrhovni sud Bosne i Hercegovine, Sud udruženog rada Bosne i Hercegovine, republički društveni pravobranilac samoupravljanja, republički javni tužilac i republički javni pravobranilac.«.

Član 63.

Član 221. mijenja se i glasi:

»Podnosilac predloga za davanje autentičnog tumačenja zakona uz predlog podnosi i predlog teksta opšteg akta - autentičnog tumačenja sa obrazloženjem.«.

Član 64.

Iza člana 221. dodaju se novi čl. 221a, 221b, 221c, 221d. i 221e, koji glase:

»Član 221a.

Predlog odnosno inicijativa za davanje autentičnog tumačenja zakona podnosi se predsjedniku Skupštine, a mora da sadrži naziv zakona, navođenje odredbe za koju se traži tumačenje i razloge sa obrazloženjem.

Predsjednik Skupštine upućuje predlog za davanje autentičnog tumačenja predsjednicima vijeća Skupštine koja su donijela zakon i predsjedniku skupštine samoupravne interesne zajednice koja je učestvovala u donošenju zakona s nadležnim vijećima Skupštine, Zakonodavno-pravnoj komisiji i Izvršnom vijeću ako ono nije podnosilac predloga za autentično tumačenje zakona.

Inicijativu za davanje autentičnog tumačenja zakona predsjednik Skupštine upućuje Zakonodavno-pravnoj komisiji i nadležnom radnom tijelu vijeća i Izvršnom vijeću.

Član 221b.

Zakonodavno-pravna komisija pošto pribavi potrebna mišljenja i dokumentaciju od nadležnog i drugih radnih tijela vijeća, Izvršnog vijeća i drugih republičkih organa nadležnih za staranje o izvršavanju ili provođenju donesenog zakona, ocjenjuje da li je inicijativa ili predlog za davanje autentičnog tumačenja zakona osnovan.

Ako utvrdi da je inicijativa osnovana, Zakonodavno-pravna komisija utvrdiće predlog teksta autentičnog tumačenja koji sa svojim izvještajem podnosi nadležnim vijećima Skupštine i skupštini samoupravne interesne zajednice koja je učestvovala u donošenju zakona.

Član 221c.

O predlogu teksta autentičnog tumačenja zakona odlučuju vijeća Skupštine i skupština samoupravne interesne zajednice ako je učestvovala u donošenju zakona.

Ako Zakonodavno-pravna komisija ocijeni da predlog ili inicijativa za davanje autentičnog tumačenja nisu osnovani, Komisija će o tome obavijestiti predsjednika nadležnih vijeća i predsjednika skupštine samoupravne interesne zajednice ako je učestvovala u donošenju zakona.

Odluku o osnovanosti autentičnog tumačenja zakona donosi nadležno vijeće i skupština samoupravne interesne zajednice koja je učestvovala u donošenju zakona.

Član 221d.

U postupku za davanje autentičnog tumačenja zakona shodno se primjenjuju odredbe ovog poslovnika o postupku za donošenje zakona.

Član 221e.

Autentično tumačenje zakona objavljuje se u »Službenom listu SRBiH.«.

Član 65.

U Glavi IX iza naziva poglavlja: »1. Prava i dužnosti Delegacije i delegata Skupštine u Vijeću republika i pokrajina Skupštine SFRJ« dodaje se novi član 235a, koji glasi:

»Član 235a.

Delegaciju Skupštine u Vijeću republika i pokrajina Skupštine SFRJ sačinjavaju delegati svih vijeća u čijem sastavu je najmanje polovina delegata iz udruženog rada.«.

Član 66.

Član 239. mijenja se i glasi:
»Delegacija Skupštine može dati inicijativu da se u odgovarajućim radnim tijelima Skupštine i vijeća izvrši razmjena mišljenja o pitanjima koja će biti razmatrana u Vijeću republika i pokrajina Skupštine SFRJ.«

Član 67.

U članu 241. u stavu 1. riječ: »jedne« zamjenjuje se riječju: »dvije«.

Član 68.

U članu 245. u stavu 1. iza riječi: »mogu« dodaju se riječi: »samostalno, odnosno«.

Član 69.

U članu 246. st. 1, 2. i 3. zamjenjuju se novim st. 1. i 2. koji glase:

»Nacrt odnosno predlog zakona, drugog propisa ili opšteg akta koji predsjednik Vijeća republika i pokrajina Skupštine SFRJ dostavi Skupštini radi davanja saglasnosti ili primjedaba i predloga, predsjednik Skupštine upućuje predsjedniku nadležnog vijeća.

O aktima iz prethodnog stava istovremeno se upoznaju i predsjednici drugih vijeća.«.

U dosadašnjem stavu 4. koji postaje stav 3. riječi: »prethodnih stavova« zamjenjuju se riječima: »stava 1. ovog člana«.

Dosadašnji st. 5. i 6. postaju st. 4. i 5, a iza stava 5. dodaju se novi st. 6. i 7, koji glase:

»Mišljenje iz prethodnog stava Izvršno vijeće je obavezno dati najkasnije 15 dana prije dana održavanja sjednice vijeća na kojoj se razmatra nacrt odnosno predlog akta, osim za akte koji se razmatraju po skraćenom postupku.

Nacrt odnosno predlog akta iz stava 1. ovog člana razmatra se na sjednici nadležnog vijeća Skupštine, u skladu sa rokovima utvrđenim Poslovnikom Vijeća republika i pokrajina Skupštine SFRJ.«.

Član 70.

Član 248. briše se.

Član 71.

Iza člana 261. dodaje se novi član 261a, koji glasi:

»Član 261a.

Predstavnik Izvršnog vijeća predstavlja Izvršno vijeće na sjednicama vijeća Skupštine, radnih tijela Skupštine i vijeća o pitanju za koje ga je ovlastilo Izvršno vijeće.

Povjerenik Izvršnog vijeća na sjednicama vijeća Skupštine, radnih tijela Skupštine i radnih tijela vijeća Skupštine, na traženje predsjedavajućeg ili delegata, izlaže stručno objašnjenje o pitanju za koje ga je ovlastilo Izvršno vijeće.«.

Član 72.

U članu 263. u stavu 1. iza riječi: »predstavnik« dodaju se riječi: »i povjerenik«.

U stavu 2. iza riječi: »Predstavnik« dodaju se riječi: »i povjerenik«.

Član 73.

U članu 264. na kraju teksta tačka se briše i dodaju riječi: »i povjerenicima.«.

Član 74.

Iza člana 275. dodaju se novi čl. 275a, 275b, 275c. i 275d, koji glase:

»Član 275a.

Rješenje Ustavnog suda Bosne i Hercegovine (u daljem tekstu: Ustavni sud) o pokretanju postupka, odnosno predlog ovlaštenog predlagача iz člana 398. stav 2. Ustava Socijalističke Republike Bosne i Hercegovine (u daljem tekstu: rješenje odnosno predlog), za ocjenjivanje ustavnosti zakona i ustavnosti i zakonitosti drugog propisa ili opšteg akta Skupštine koje je Skupštini uputio Ustavni sud, predsjednik Skupštine upućuje na razmatranje nadležnom radnom tijelu Skupštine i vijeća i Zakonodavno-pravnoj komisiji.

Rješenje odnosno predlog iz prethodnog stava, predsjednik Skupštine dostavlja i predsjedniku nadležnog vijeća, predsjedniku skupštine samoupravne interesne zajednice koja je učestvovala u donošenju zakona, drugog propisa ili opšteg akta Skupštine, Izvršnom vijeću i republičkom organu uprave nadležnom za staranje o izvršavanju ili provođenju odnosnog akta.

Zakonodavno-pravna komisija, prije razmatranja rješenja odnosno predloga iz stava 1. ovog člana, pribaviće mišljenje Izvršnog vijeća, republičkog organa uprave nadležnog za staranje o izvršavanju ili provođenju odnosnog akta i nadležnog radnog tijela Skupštine.

O održavanju sjednice Zakonodavno-pravne komisije, na kojoj će se razmatrati rješenje, odnosno predlog, obavještava se Ustavni sud i pozivaju predstavnici organa i tijela iz prethodnog stava.

Član 275b.

Ako su zahtjev za ocjenjivanje ustavnosti i zakonitosti podnijeli organizacija udruženog rada, mjesna zajednica, samoup-

ravna interesna zajednica ili druga samoupravna organizacija ili zajednica, predsjednik Zakonodavno-pravne komisije može prije zauzimanja stava Komisije zatražiti od Ustavnog suda da prethodno utvrdi da li se radi o inicijativi za pokretanje postupka za ocjenjivanje ustavnosti i zakonitosti (član 398. stav 1. Ustava SRBiH) ili o predlogu za pokretanje postupka (član 398. stav 2. tačka 6. Ustava SRBiH).

Član 275c.

Nadležno radno tijelo Skupštine i vijeća i Zakonodavno-pravna komisija, u postupku razmatranja rješenja odnosno predloga ostvaruju potrebnu saradnju.

Ako Zakonodavno-pravna komisija, prilikom razmatranja rješenja odnosno predloga, iz prethodnog stava, ocijeni da zakon, drugi propis ili opšti akt Skupštine na koji se odnosi rješenje odnosno predlog ovlaštenog predlagача nije potrebno mijenjati, obavijestice o tome predsjednika Skupštine i organe i tijela iz člana 275a. st. 1. i 2. ovog poslovnika.

Predsjednik Skupštine o stavu Zakonodavno-pravne komisije iz prethodnog stava obavještava Ustavni sud i određuje predstavnika Skupštine u postupku pred Ustavnim sudom.

Član 275d.

Ako Zakonodavno-pravna komisija, prilikom razmatranja rješenja odnosno predloga ocijeni da ima osnova za izmjenu ili dopunu zakona, drugog propisa ili opšteg akta na koji se odnosi rješenje odnosno predlog, ili da prestaje potreba za primjenom tog zakona, drugog propisa ili opšteg akta, predložiće nadležnom vijeću da pristupi izmjeni odnosno dopuni zakona, drugog propisa ili opšteg akta, ili donošenju zakona o prestanku važenja zakona, ili prestanku važenja drugog propisa ili opšteg akta.

Ako vijeće, prilikom razmatranja rješenja odnosno predloga kao i predloga Zakonodavno-pravne komisije, ocijeni da ima potrebe da se pristupi izmjenama ili dopunama zakona, drugog propisa ili opšteg akta ili donošenju zakona o prestanku važenja zakona, drugog propisa ili opšteg akta, postupice u skladu sa odredbom člana 275. stav 3. ovog poslovnika.

Ako vijeće, prilikom razmatranja akta iz prethodnog stava, ocijeni da nema potrebe da se pristupi izmjenama zakona, drugog propisa ili opšteg akta ili donošenju zakona o prestanku važenja zakona, drugog propisa ili opšteg akta o tome donosi zaključak i o zaključku obavještava predsjednika Skupštine.«.

Član 75.

U članu 276. u stavu 1. riječi: »skupštini odgovarajuće samoupravne interesne zajednice u čiji djelokrug spada donošenje zakona« zamjenjuju se riječima: »predsjedniku skupštine samoupravne interesne zajednice koja je učestvovala u donošenju zakona«.

Član 76.

Član 277. mijenja se i glasi:

»O zaključku vijeća povodom razmatranja obavještenja, mišljenja ili predloga Ustavnog suda, rješenja odnosno predloga ili odluke Ustavnog suda kojom se utvrđuje da republički zakon, drugi propis ili opšti akt nije u saglasnosti sa Ustavom Socijalističke Republike Bosne i Hercegovine, predsjednik Skupštine obavještava Ustavni sud.«.

Član 77.

U članu 283. u stavu 1. riječi: »Društveno-političkog vijeća« zamjenjuju se riječima: »nadležnih vijeća Skupštine«.

Stav 2. mijenja se i glasi:

»Izvršajst ga dostavlja predsjedniku Skupštine, koji ga upućuje predsjednicima nadležnih vijeća Skupštine.«.

U stavu 3. riječi: »sjednice Društveno-političkog vijeća i drugih vijeća« zamjenjuju se riječima: »vijeća Skupštine«.

Član 78.

U članu 284. riječi: »društveno-političkog vijeća i drugih vijeća, zamjenjuju se riječima: »nadležnog vijeća.«.

Član 79.

Odredbе ove odluke neposredno se primjenjuju i u radu vijeća Skupštine, ako odgovarajuće odredbe u poslovnicima vijeća nisu u skladu sa odredbama ove odluke.

Član 80.

Odredba člana 65. primjenjivaće se od 1. januara 1989. godine.

Član 81.

Ovlašćuje se Zakonodavno-pravna komisija Skupštine Socijalističke Republike Bosne i Hercegovine da utvrdi novi prečišćeni tekst Poslovnika Skupštine Socijalističke Republike Bosne i Hercegovine.

Član 82.

Ova odluka stupa na snagu osmog dana od dana objavljivanja u »Službenom listu SRBiH«.

SKUPŠTINA SOCIJALISTIČKE REPUBLIKE BOSNE I HERCEGOVINE

S broj 384
23. juna 1988. godine
Sarajevo

Predsjednik
Skupštine SRBiH,
Zlatan Karavdić, s.r.

237

Na osnovu člana 123. stav 2. Zakona o visokom obrazovanju (»Službeni list SRBiH«, broj 11/85), Skupština Socijalističke Republike Bosne i Hercegovine, na sjednici Vijeća udruženog rada održanoj 24. juna 1988. godine, donijela je

ODLUKU

O IMENOVANJU ČLANOVA SKUPŠTINE UNIVERZITETA »ĐURO PUČAR STARI« U BANJALUCI

I

Za članove Skupštine Univerziteta »Đuro Đucar Stari« u Banjaluci imenuju se:

1. POPOVIĆ DRAŠKO, delegat u Društveno-političkom vijeću Skupštine SRBiH,
2. ZORIČIĆ SMILJA, delegat u Vijeću udruženog rada Skupštine SRBiH.

II

Ovu odluku objaviti u »Službenom listu SRBiH«.

SKUPŠTINA SOCIJALISTIČKE REPUBLIKE BOSNE I HERCEGOVINE

S broj 386
24. juna 1988. godine
Sarajevo

Predsjednik
Vijeća udruženog rada,
Ibrahim Havić, s.r.

238

Na osnovu člana 20. stav 2. Zakona o sudovima udruženog rada - Prečišćeni tekst (»Službeni list SRBiH«, broj 14/80), Skupština Socijalističke Republike Bosne i Hercegovine na sjednici Vijeća udruženog rada održanoj 24. juna 1988. godine, donijela je

ODLUKU

O IZBORU PREDSEDNIKA OSNOVNOG SUDA UDRUŽENOG RADA U MOSTARU I STALNIH SUDIJA SUDOVA UDRUŽENOG RADA

I

Za predsjednika Osnovnog suda udruženog rada u Mostaru bira se MEHMEDBAŠIĆ NIJAZ, dosadašnji predsjednik ovog suda.

II

Za stalne sudije Suda udruženog rada Bosne i Hercegovine biraju se:

1. BARALIĆ MUSTAFA, dosadašnji stalni sudija ovog suda,
2. ĐURDEV - PRINCIP NADA, dosadašnji stalni sudija ovog suda,
3. KOVAČEVIĆ DRAGICA, dosadašnji stalni sudija ovog suda,
4. MUJIČIĆ NASIHA, dosadašnji stalni sudija ovog suda,
5. ŠEHU-ČOVRAK AZRA, dosadašnji stalni sudija ovog suda.

III

Za stalne sudije Osnovnog suda udruženog rada u Doboju biraju se:

1. STOKIĆ DRAGO, dosadašnji stalni sudija ovog suda,
2. ZOVKO GODESLAV, dosadašnji stalni sudija ovog suda.

IV

Ovu odluku objaviti u »Službenom listu SRBiH«.

SKUPŠTINA SOCIJALISTIČKE REPUBLIKE BOSNE I HERCEGOVINE

S broj 387
24. juna 1988. godine
Sarajevo

Predsjednik
Vijeća udruženog rada,
Ibrahim Havić, s.r.

239

Na osnovu člana 28. Zakona o izvršenju Budžeta Socijalističke Republike Bosne i Hercegovine za 1988. godinu (»Službeni list SRBiH«, broj 1/88), Izvršno vijeće Skupštine Socijalističke Republike Bosne i Hercegovine, donosi

UREDUBU

O NAKNADAMA ZA PUTNE I DRUGE TROŠKOVE RADNIKA REPUBLIČKIH ORGANA UPRAVE I REPUBLIČKIH UPRAVNIH ORGANIZACIJA

I - OPŠTA ODREDBA

Član 1.

Ovom uredbom regulišu se pravo i visina dnevnica za službeno putovanje u zemlji, visina naknade i način korišćenja putničkih automobila u ličnoj svojini za službene potrebe, visina naknade zbog odvojenog života od porodice i naknade na ime troškova preseljenja radnika republičkih organa uprave, republičkih upravnih organizacija, stručnih službi Skupštine SRBiH i Izvršnog vijeća Skupštine SRBiH i drugih državnih organa kojima se sredstva za materijalne troškove obezbjeđuju u republičkom budžetu (u daljem tekstu: organi).

II - NAKNADA TROŠKOVA ZA SLUŽBENA PUTOVANJA

Član 2.

Pod službenim putovanjem u smislu ove uredbe podrazumijeva se putovanje na koje se radnik upućuje da po nalogu funkcionera koji rukovodi organom, izvrši određeni službeni posao van mjesta svog redovnog zaposlenja, ako takvo putovanje povlači za radnika posebne troškove.

Član 3.

Izdaci za naknade troškove za službeno putovanje, obuhvataju naknadu za smještaj i ishranu (u daljem tekstu: dnevnicе) i naknadu za lični prevoz radnika.

Član 4.

Radnicima iz člana 1. ove uredbe pripada pravo na dnevnicu za službeno putovanje u zemlji u iznosu od 15.000 dinara.

Troškovi noćenja priznaju se po računu hotelsko-ugostiteljske radne organizacije za noćenje do iznosa za jednokrevetnu sobu, osim noćenja u hotelsko-ugostiteljskoj radnoj organizaciji de luxe kategorije.

Član 5.

Pravo na cijelu dnevnicu ostvaruje se za vrijeme provedeno na putovanju koje je trajalo preko 12-24 časa, a na polovinu dnevnice ako je putovanje trajalo preko 8-12 časova.

Radniku koji prima naknadu troškova zbog odvojenog života od porodice, a službeno putuje u mjesto u kome živi njegova porodica, pripada pravo na polovinu dnevnice.

Član 6.

Izdaci za naknade za povećane materijalne troškove koje radnik ima za vrijeme rada i boravka na terenu van mjesta prebivališta određuju se u iznosu od 3.000 dinara ako je za rad na terenu obezbijeđen smještaj i ishrana u okviru organa, a u slučajevima kada nije obezbijeđen smještaj i ishrana u okviru organa, u iznosu od 10.000 dinara dnevno.

Radnik koji prima naknadu za rad na terenu nema pravo na dnevnicu.

Član 7.

Izdaci za lični prevoz radnika na službenom putovanju priznaju se u iznosima propisanim u putničkoj tarifi za prevoz najkraćim putem prevoznim sredstvom koje radnik koristi na službenom putovanju.

Vrsta i razred prevoznog sredstva koje radnik može koristiti na službenom putovanju, kao i drugi uslovi prevoza određuje funkcioner koji rukovodi organom.

Član 8.

Radnicima koji za službene potrebe koriste putnički automobil u ličnoj svojini pripada naknada za svaki pređeni kilometar do 30% iznosa najviše cijene jednog litra benzina.

Ova naknada ne može se utvrditi u paušalnom iznosu.

Pravo na korišćenje vlastitog automobila radnik ima kada je to određeno u putnom nalogu.

III – NAKNADA TROŠKOVA ZBOG ODVOJENOG ŽIVOTA OD PORODICE

Član 9.

Radniku koji živi odvojeno od porodice pripada naknada za troškove zbog odvojenog života u iznosu od 150.000 dinara, a zavisno od uslova obezbjeđenja privremenog smještaja.

Naknada iz prethodnog stava pripada radniku od dana njegovog javljanja na dužnost od isteka mjeseca u kome mu je dodijeljen useljiv stan.

Radnik koji ostvaruje naknadu zbog odvojenog života od porodice nema pravo na terenski dodatak.

IV – NAKNADA ZA SELIDBENE TROŠKOVE

Član 10.

Pravo na naknadu troškova preseljenja pripada radniku: 1. koji je u radnom odnosu kod organa u mjestu koje je van prebivališta njegovog i njegove porodice;

2. koji se raspoređuje na rad u drugo mjesto;

3. kome prestaje radni odnos zbog odlaska u penziju, a koji prestavlja u drugo mjesto;

4. porodici umrlog radnika, ako se preseljava u drugo mjesto.

Naknada troškova za lica iz tač. 3. i 4. prethodnog stava priznaje se radniku ako preseljenje izvrši u roku od jedne godine od dana prestanka radnog odnosa zbog odlaska u penziju, odnosno od dana smrti radnika.

Član 11.

Naknada za selidbene troškove priznaje se u iznosu stvarnih troškova preseljenja (pakovanja, utovara, istovara, unošenja i prevoza pokućstva), kao i troškova za prevoz, smještaj i ishranu radnika i članova njegove porodice prilikom selidbe.

Na relacijama na kojima postoji javni saobraćaj naknada za prevoz pokućstva pripada u visini najniže tarife propisane za prevoz sredstvima takvog saobraćaja.

Član 12.

Naknada za prevoz i dnevnicu radniku i članovima njegove porodice prilikom selidbe pripada u visini i pod uslovima predviđenim za službeno putovanje radnika, s tim što se dnevnicu za članove porodice određuje u visini 50% od dnevnice koja pripada radniku.

Pod članovima porodice, u smislu ove uredbe, podrazumijevaju se lica za koja radnik kao osiguranik ima pravo na zdravstveno osiguranje po važećim propisima.

V – ZAVRŠNE ODREDBE

Član 13.

Danom stupanja na snagu ove uredbe prestaje da važi Uredba o naknadama za putne i druge troškove radnika republičkih organa uprave i republičkih upravnih organizacija (»Službeni list SRBiH«, br. 14/79, 13/80, 17/81, 23/82, 10/83, 37/83, 17/84, 1/85, 20/85, 34/85, 3/86, 14/86, 36/86, 10/87, 16/87, 31/87, 42/87 i 10/88).

Član 14.

Ova uredba stupa na snagu osmog dana od dana objavljivanja u »Službenom listu SRBiH«.

I. V. broj 106
7. jula 1988. godine
Sarajevo

Predsjednik
Izvršnog vijeća,
Marko Čeranić, s. r.

240

Na osnovu čl. 3. i 5. Dogovora o načinu objavljivanja propisa o porezima i doprinosima iz dohotka osnovnih organizacija udruženog rada i ličnih dohodaka, odnosno prihoda radnika i građana (»Službeni list SRBiH«, broj 15/76), Republički sekretarijat za finansije, objavljuje

IZVODE

**IZMJENA IZ ODLUKA SKUPŠTINA OPŠTINA I
SKUPŠTINA SAMOUPRAVNIH INTERESNIH
ZAJEDNICA O STOPAMA POREZA I DOPRINOSA IZ
LIČNOG DOHOTKA IZ RADNOG ODNOSA PO
OPŠTINAMA**

U Izvodima iz odluka skupština opština i skupština samoupravnih interesnih zajednica o stopama poreza i doprinosa iz ličnog dohotka iz radnog odnosa po opštinama (»Službeni list SRBiH«, br. 4/88, 5/88, 6/88, 7/88, 8/88, 11/88, 12/88, 13/88, 17/88, 18/88 i 20/88), vrše se slijedeće izmjene:

Red. broj	OPŠTINA	Doprinosi za %					Zbirna stopa %
		Porez %	kul- turu	fizičku kul- turu	soci- dječiju zaštitu	dječiju zaštitu	
12.	Bosanski Šamac	—	—	0,22	0,50	0,40	1,12
50.	Konjic	1,40	—	0,28	0,33	0,33	2,34
51.	Kotor-Varoš	0,25	—	0,08	0,50	0,10	0,93

52. Kreševo	2,00	-	0,25	0,40	0,15	2,80
74. Prijedor	-	-	0,11	0,52	0,39	1,02
77. Pucarevo	0,85	-	0,16	0,60	0,80	2,41
81. Skender-Vakuf	1,90	-	0,18	0,65	0,45	3,18
84. Srebrenica	2,00	-	0,18	0,55	0,20	2,93
91. Tešanj	1,00	-	0,20	0,60	0,30	2,10
107. Zvornik	0,80	-	0,23	0,64	0,20	1,87

Broj 02-021-17
6. jula 1988. godine
Sarajevo

Podsekretar,
dr Asim Šaković, s. r.

Na osnovu člana 163. stav 1. Zakona o državnoj upravi («Službeni list SRBiH», br. 38/78, 13/82, 40/82, 40/84 i 12/87), Izvršno vijeće Skupštine Socijalističke Republike Bosne i Hercegovine donosi

RJEŠENJE

O POSTAVLJENJU POMOĆNIKA DIREKTORA REPUBLIČKOG ZAVODA ZA STATISTIKU

Za pomoćnika direktora Republičkog zavoda za statistiku postavlja se ISMET ŠEREMET, dosadašnji pomoćnik direktora tog zavoda.

Ovo rješenje objaviti u »Službenom listu SRBiH«.

I. V. broj 97/88
30. juna 1988. godine
Sarajevo

Potpredsjednik
Izvršnog vijeća,
dr Mirko Puljić, s. r.

Na osnovu člana 163. stav 1. Zakona o državnoj upravi («Službeni list SRBiH», br. 38/78, 13/82, 40/82, 40/84 i 12/87), Izvršno vijeće Skupštine Socijalističke Republike Bosne i Hercegovine donosi

RJEŠENJE

O POSTAVLJENJU SAVJETNIKA REPUBLIČKOG SEKRETARA ZA FINANSIJE

Za savjetnika republičkog sekretara za finansije postavlja se OGNJEN VASILJEVIĆ, šef Grupe za devizni, carinski sistem, bankarske i druge finansijske organizacije u Republičkom sekretarijatu za finansije.

Ovo rješenje objaviti u »Službenom listu SRBiH«.

I. V. broj 98/88
30. juna 1988. godine
Sarajevo

Potpredsjednik
Izvršnog vijeća,
dr Mirko Puljić, s. r.

Ustavni sud BiH

Ustavni sud Bosne i Hercegovine, na osnovu člana 387. stav 1. tačka 3. Ustava Socijalističke Republike Bosne i Hercegovine, ocjenjujući zakonitost Pravilnika o davanju stanova na korištenje, kreditiranju stambene izgradnje i poboljšanju uslova stanovanja Radne organizacije Centar za socijalni rad Živinice, od 13. 11. 1980. godine i odluka o izmjenama i dopunama Pravilnika o davanju stanova na korištenje, kreditiranju stambene izgradnje i poboljšanju stambenih uslova Radne organizacije Centar za socijalni rad Živinice, od 13. 1. 1984. godine, 27. 3. 1986. godine i 24. 3. 1987. godine, na sjednici bez javne rasprave, održanoj 26. 5. 1988. godine, donio je

ODLUKU

Ukida se Pravilnik o davanju stanova na korištenje, kreditiranju stambene izgradnje i poboljšanju uslova stanovanja Radne organizacije Centar za socijalni rad Živinice, od 13. 11.

1980. godine i odluke o izmjenama i dopunama Pravilnika o davanju stanova na korištenje, kreditiranju stambene izgradnje i poboljšanju stambenih uslova radnika Radne organizacije Centar za socijalni rad Živinice, od 13. 1. 1984. godine, 27. 3. 1986. i 24. 3. 1987. godine.

Ova odluka objaviće se u »Službenom listu SRBiH« i u Radnoj organizaciji Centar za socijalni rad Živinice, na način predviđen za objavljivanje samoupravnih opštih akata.

Predlogom Osnovnog suda udruženog rada Tuzla pokrenut je postupak za ocjenjivanje ustavnosti i zakonitosti navedenog pravilnika i odluka o izmjeni i dopuni Pravilnika, zbog toga što ga je usvojio Zbor radnika, a ne radnici referendumom.

Osporeni pravilnik donijeli su radnici na Zboru radnika od 13. 11. 1980. godine i njegove izmjene i dopune na Zboru radnika, od 13. 1. 1984, 27. 3. 1986. i 24. 3. 1987. godine.

Zakonom o udruženom radu («Službeni list SFRJ», broj 11/88 - prečišćeni tekst) propisano je da radnici referendumom odlučuju, između ostalog, o osnovima i mjerilima za raspodjelu sredstava za lične dohotke i zajedničku potrošnju radnika (član 438) i da se izmjene i dopune samoupravnog sporazuma, društvenog dogovora ili drugog samoupravnog opšteg akta vrše na način i po postupku po kome se zaključuje, odnosno donosi, a izuzetno kada se vrše izmjene i dopune samoupravnog sporazuma, društvenog dogovora ili drugog samoupravnog opšteg akta kojim se ne vrše promjene u pogledu prava, obaveza i odgovornosti i materijalnih odnosa za koje je to utvrđeno samoupravnim opštim aktima, te izmjene i dopune mogu se vršiti po posebnom postupku utvrđenom tim samoupravnim opštim aktom (član 550).

S obzirom na navedene odredbe Zakona, način na koji su radnici usvojili osporeni pravilnik i njegove izmjene i dopune, kojim su utvrđena prava, obaveze i materijalni odnosi, po ocjeni Ustavnog suda, u suprotnosti je sa zakonom.

Na osnovu izloženog odlučeno je kao u dispozitivu ove odluke.

Ovu odluku donio je Ustavni sud u sastavu predsjednik Ustavnog suda Slavojka Todorović i sudije Anđelko Kovačević, Ljubo Kovačević, Enver Lihčić, Pero Krijan, Nedo Stipić, Čazim Sadiković i dr Anđelko Veljić.

U broj 230/87
26. maja 1988. godine
Sarajevo

Predsjednik
Ustavnog suda Bosne i
Hercegovine,
Slavojka Todorović, s. r.

Samoupravna interesna zajednica elektroprivrede BiH

Na osnovu člana 34. Zakona o elektroprivredi («Službeni list SRBiH», br. 16/78 i 40/82), člana 17. Samoupravnog sporazuma o osnivanju Samoupravne interesne zajednice elektroprivrede Bosne i Hercegovine («Službeni list SRBiH» br. 1/79. i 2/82), Skupština Zajednice na sjednici održanoj 25. februara 1988. godine, donijela je

ODLUKU

O DOPUNAMA TARIFNOG SISTEMA ZA PRODAJU ELEKTRIČNE ENERGIJE

Član 1.

U Tarifnom sistemu za prodaju električne energije («Službeni list SRBiH», br. 10/82 i 12/85), u članu 13. iza stava 3. dodaju se tri nova stava koja glase:

»Na cijene električne energije iz stava 2. ovog člana elektroprivredne organizacije mogu dodati razliku između cijena električne energije isporučene iz sistema »Elektroprivrede BiH« i prosječne cijene električne energije nabavljene od elektroprivreda drugih republika i autonomnih pokrajina i industrijskih elektrana i uvoza iz inostranstva osim na cijenu električne energije za potrošače iz kategorije »domaćinstva« u

skladu sa godišnjim elektroenergetskim bilansom Bosne i Hercegovine.

Razliku iz stava 4. ovog člana elektroprivredne organizacije obračunavaju u apsolutnom iznosu po isporučenom kWh i zaračunavaju posebno u računu za isporučenu električnu energiju obračunatu po tarifnim stavovima.

Način praćenja nabavke i uvoza električne energije, troškovi nabavki, utvrđivanja iznosa razlike iz stava 5. izvještavanje potrošača i dr. vršiće se prema posebnoj metodologiji koju donosi Izvršni odbor Skupštine Samoupravne interesne zajednice elektroprivrede Bosne i Hercegovine.

Član 2.

Ova odluka stupa na snagu narednog dana od dana objavljivanja u »Službenom listu SRBiH«.

Broj 04-217/88
25. februara 1988. godine
Sarajevo

Predsjednik
Skupštine Zajednice,
Ljubomir Grupković, s. r.

Na ovu odluku, u smislu člana 35. Zakona o elektroprivredi Izvršno vijeće Skupštine SRBiH, dalo je svoju saglasnost rješenjem broj 31-5/88 od 22. juna 1988. godine.

Na osnovu člana 47. Samoupravnog sporazuma o osnivanju Samoupravne interesne zajednice elektroprivrede Bosne i Hercegovine Sarajevo (»Službeni list SRBiH«, br. 1/79 i 2/82) i člana 26. Samoupravnog sporazuma o kriterijima i visini posebnog jednokratnog novčanog iznosa koga plaćaju potrošači električne energije radi obezbjeđenja uslova za priključenje na elektroenergetske objekte ili povećanje priključne snage postojećih trošila (»Službeni list SRBiH«, br. 19/83, 3/86 i 2/87), Skupština Zajednice na sjednici održanoj 30. juna 1988. godine, donijela je

ODLUKU

O IZMJENAMA SAMOUPRAVNOG SPORAZUMA O KRITEIJIMA I VISINI POSEBNOG JEDNOKRATNOG NOVČANOG IZNOSA KOGA PLAĆAJU POTROŠAČI ELEKTRIČNE ENERGIJE RADI OBEZBJEĐENJA USLOVA ZA PRIKLJUČENJE NA ELEKTROENERGETSKE OBJEKTE ILI POVEĆANJE PRIKLJUČNE SNAGE POSTOJEĆIH TROŠILA

Član 1.

U Samoupravnom sporazumu o kriterijima i visini posebnog jednokratnog novčanog iznosa koga plaćaju potrošači električne energije radi obezbjeđenja uslova za priključenje na elektroenergetske objekte ili povećanje priključne snage postojećih trošila u članu 10. iznos od »4299« zamjenjuje se iznosom od »11177«.

Član 2.

U članu 18. stav 1. iznosi od »48367«, »32245«, »21497« i »10748« zamjenjuju se iznosima od »125754«, »83837«, »55892«, »27945«.

Član 3.

Ova odluka stupa na snagu osmog dana od dana objavljivanja u »Službenom listu SRBiH«.

Broj 04-222/88.
30. juni 1988. godine
Sarajevo

Predsjednik
Skupštine Zajednice,
Ljubomir Grupković, s. r.

Na osnovu čl. 13. i 34. Zakona o elektroprivredi (»Službeni list SRBiH«, br. 16/78 i 40/82) i člana 47. Samoupravnog sporazuma o osnivanju Samoupravne interesne zajednice elek-

troprivrede Bosne i Hercegovine (»Službeni list SRBiH«, br. 1/79 i 2/82) Skupština Zajednice na sjednici održanoj 30. juna 1988. godine, donijela je

SAMOUPRAVNI SPORAZUM

O IZMJENAMA SAMOUPRAVNOG SPORAZUMA O KRITEIJIMA I VISINI POSEBNOG JEDNOKRATNOG NOVČANOG IZNOSA KOGA PLAĆAJU POTROŠAČI ELEKTRIČNE ENERGIJE RADI OBEZBJEĐENJA USLOVA ZA PRIKLJUČENJE NA ELEKTROENERGETSKE OBJEKTE ILI POVEĆANJA PRIKLJUČNE SNAGE POSTOJEĆIH TROŠILA

Član 1.

U Samoupravnom sporazumu o kriterijima i visini posebnog jednokratnog novčanog iznosa koga plaćaju potrošači električne energije radi obezbjeđenja uslova za priključenje na elektroenergetske objekte ili povećanje priključne snage postojećih trošila član 26. stav 1. mijenja se i glasi:

»Visinu novčanog iznosa iz ovog sporazuma, usklađivaće Skupština Zajednice pri čemu će polaziti od izmjena prosječnih cijena električne energije, izmjena troškova investicija i stope inflacije iz prethodne godine.«

Član 2.

Ovaj sporazum stupa na snagu osmog dana od dana objavljivanja u »Službenom listu SRBiH«.

Broj 04-221/88
30. juna 1988. godine
Sarajevo

Predsjednik
Skupštine Zajednice,
Ljubomir Grupković, s. r.

Samoupravna interesna zajednica zdravstvene zaštite Konjic

Na osnovu člana 30. Statuta Samoupravne interesne zajednice zdravstvene zaštite Konjic (»Službeni list SRBiH«, broj 29/82) Skupština Samoupravne interesne zajednice zdravstvene zaštite Konjic, na sjednici od 1. jula 1988. godine, donosi

ODLUKU

O IZMJENI ODLUKE O STOPI DOPRINOSA ZA ZDRAVSTVENU ZAŠTITU RADNIKA

Član 1.

U članu 1. Odluke o izmjeni Odluke o stopi doprinosa za zdravstvenu zaštitu radnika (»Službeni list SRBiH«, broj 13/88), član 1. mijenja se i glasi:

»Stopa doprinosa za zdravstvenu zaštitu radnika za period 1. 7. do 31. 8. 1988. godine, iznosi 9%, a za period 1. 9. 1988. do 31. 12. 1988. godine iznosi 12%.

Član 2.

Odluka stupa na snagu danom donošenja a primjenjivaće se od 1. 7. 1988. godine, odnosno 1. 9. 1988. godine.

Broj 01-433/88
1. jula 1988. godine
Konjic

Predsjednik Skupštine,
Sead Fejzić, s. r.

Samoupravna interesna zajednica zdravstvene zaštite Sarajevo

Na osnovu izmjena i dopuna Samoupravnog sporazuma o jedinstvenim kriterijima za neposredno učešće osiguranih lica

u troškovima korištenja zdravstvene zaštite u SRBiH (»Službeni list SRBiH«, broj 15/88) i člana 21. Statuta Samoupravne interesne zajednice zdravstvene zaštite u SRBiH (»Službeni list SRBiH«, broj 11/88), Skupština SIZ-a zdravstvene zaštite Sarajevo, održane 7. jula 1988. godine, donijela je

ODLUKU

O IZMJENI I DOPUNI ODLUKE O UČEŠĆU OSIGURANIH LICA U TROŠKOVIMA KORIŠTENJA POJEDINIH VIDOVA ZDRAVSTVENE ZAŠTITE

Član 1.

U Odluci o učešću osiguranih lica u troškovima pojedinih vidova zdravstvene zaštite (»Službeni list SRBiH«, br. 34/87 i 42/87), u članu 1. tačka 2. iznos od 50% mijenja se u iznos od 60%.

Član 2.

U članu 3. iza riječi »oboljenja« briše se slovo »i« dodaje zarez, a iza riječi »godine« briše se tačka i dodaju se riječi »i obavezni vidovi zdravstvene zaštite«.

Član 3.

U članu 6. stav 2. briše se riječ »poseban«, a iza riječi »djelatnost« stavlja se tačka i briše se preostali dio teksta.

Član 4.

U članu 3. brišu se riječi: »i učesnici NOR-a prije 9. 9. 1943. godine«.

Član 5.

Ova odluka stupa na snagu narednog dana od dana objavljivanja u »Službenom listu SRBiH«.

Broj 04-33/88.
7. jula 1988. godine
Sarajevo

Predsjednik Skupštine,
Franjo Tomić, s. r.

Na osnovu čl. 95. i 96. Zakona o zdravstvenoj zaštiti (»Službeni list SRBiH«, broj 18/86) i člana 8. Zakona o finansiranju zajedničkih potreba (»Službeni list SRBiH«, broj 1/88) i člana 23. tač. 1. i 2. Statuta Samoupravne interesne zajednice zdravstvene zaštite Sarajevo (»Službeni list SRBiH«, broj 11/88) Skupština Samoupravne interesne zajednice zdravstvene zaštite Sarajevo, na odvojenoj sjednici Vijeća korisnika usluga od 7. jula 1988. godine, donijela je

ODLUKU

O IZMJENAMA I DOPUNAMA ODLUKE O DOPRINOSU ZA ZDRAVSTVENU ZAŠTITU RADNIKA SIZ ZDRAVSTVENE ZAŠTITE SARAJEVO

Član 1.

U članu 22. alineja 2. Odluke o doprinosu za zdravstvenu zaštitu radnika SIZ zdravstvene zaštite Sarajevo (»Službeni list SRBiH«, broj 42/87), brišu se riječi »stopi iz člana 2. ove odluke umanjene za 50% i dodaje se novi tekst koji glasi »neto stopi od 5% mjesečno«.

Član 2.

U članu 24. brišu se riječi »zajamčeni lični dohodak u Republici u momentu dospelih obaveza za plaćanje doprinosa«, a umjesto ovih riječi dodaju se riječi »neto iznos isplaćenih svih primanja (naknada za izvršeni rad)«.

Član 3.

Ova odluka stupa na snagu narednog dana od dana objavljivanja u »Službenom listu SRBiH«.

Broj 04-33/88
7. jula 1988. godine
Sarajevo

Predsjednik
Vijeća korisnika usluga,
Miodrag Manojlović, s. r.

Samoupravna interesna zajednica zdravstvene zaštite Zenica

Na osnovu čl. 103-106. Zakona o zdravstvenoj zaštiti (»Službeni list SRBiH« broj 18/86), čl. 35-40. Zakona o finansiranju zajedničkih potreba (»Službeni list SRBiH«, broj 40/79) i člana 21. Statuta Samoupravne interesne zajednice zdravstvene zaštite Zenica, na sjednici održanoj 22. juna 1988. godine, donijela je

ODLUKU

O IZMJENI I DOPUNI ODLUKE O STOPAMA DOPRINOSA ZA ZDRAVSTVENU ZAŠTITU ZA 1988. GODINU

Član 1.

U članu 3. tačka 1. mijenja se visina izdvajanja iz bruto ličnih dohodaka sa 6,40% na 8,00%.

U članu 3. tačka 2. mijenja se visina izdvajanja iz dohotka sa 3,60% na 0,20%.

Član 2.

Odluka stupa na snagu osmog dana po objavljivanju u »Službenom listu SRBiH«, a primjenjuje se od 1. jula 1988. godine.

Reg. broj 156/88.
22. juna 1988. godine
Zenica

Predsjednik Skupštine,
dr Ljubica Pejić-Kunovac, s. r.

Po izvršenom savjetovanju sa izvornim tekstom utvrđeno je da se u tekstu Odluke o usklađivanju dodatne novčane pomoći, dodatka za člana porodice nesposobnog za rad i dodatka za samohranost i valorizaciji imovinskog cenzusa od 1. januara 1988. godine, objavljene u »Službenom listu SRBiH«, broj 18/88. od 10. juna 1988. godine, potkrala niže navedene greške, te se na osnovu člana 251. stav 5. Poslovnika Izvršnog vijeća Skupštine Socijalističke Republike Bosne i Hercegovine, daje

ISPRAVKA

Odluke o usklađivanju dodatne novčane pomoći, dodatka za člana porodice nesposobnog za rad i dodatka za samohranost i valorizaciji imovinskog cenzusa od 1. januara 1988. godine

U tački I pod 3. umjesto riječi »dohodak« treba da stoji riječ »dodatak«.

Sekretar
Sekretarijata za
zakonodavstvo
Izvršnog vijeća Skupštine
SRBiH,
Emanuela Siladi – Legin, s. r.

SLUŽBENE OBJAVE

IZGUBLJENI PEČATI I ŠTAMBILJI

Oglašava se nevažećim pečat prečnika 30 mm sa znakom i tekstom: Radna organizacija Proizvodnja, prerada mineralnih sirovina »Barit« Kreševo, broj 2. (730-so)

Oglašava se nevažećim pečat prečnika 25 mm sa tekstom: Socijalistička Republika Bosna i Hercegovina, Radna organizacija osnovnog obrazovanja i vaspitanja Fojnica, OOUR Predškolsko vaspitanje i obrazovanje »25. maj« Fojnica (latinitica i ćirilica). (711-so)

Oglašava se nevažećim pečat prečnika 30 mm sa tekstom: Radna organizacija za opravku drumskih vozila »Auto-servis AMD Igman« Ilidža, broj 1. (711/1-so)

Oglašava se nevažećim pečat prečnika 30 mm sa tekstom: Građevinsko-industrijski kombinat »Rad«, OOUR »Visokogradnja« Bijeljina. (696-so)

RAZNE SLUŽBENE OBJAVE

RO »Auto-servis AMD Igman« Ilidža oglašava nevažećim potvrde o završenoj obuci za vozače, serijski broj od 17488 do 17500, kao i sve ostale potvrde od broja 17482 od 5. jula 1988. godine, ovjerene pečatom Radne organizacije, broj 1. (711/2-so)

SOUR »Graming«, GRO »Vranica« Sarajevo, OOUR »Visokogradnja« Sarajevo oglašava nevažećom radnu knjižicu broj 1479/62, izdatu na ime Kovač (Ibre) Omer. (698-so)

LICITACIJE I KONKURSI

ZAVOD ZA INFORMATIKU I STATISTIKU GRADA SARAJEVA - Slaviše Vajnera Čiče 2/II Sarajevo raspisuje

JAVNO PRIKUPLJANJE PONUDA

za nabavku računarske opreme koja će omogućiti realizaciju jedinstvenog informacionog sistema grada Sarajeva

a) HARDWARE-SKE KOMPONENTE

Računari treba da podržavaju opšti pristup Koncepta razvoja jedinstvenog informacionog sistema grada Sarajeva, koji predviđa distribuiranu obradu kod subjekata informacionog sistema i vezu sa centralnim računarom u Zavodu za informatiku i statistiku grada Sarajeva, u ON-line režimu rada koristeći javnu, telefonsku, sopstvenu i JUPAK mrežu.

Kapacitet centralnog računara i mikoračunara kod subjekata informacionog sistema kao i jedinice diskova ponuditi na osnovu tendera.

Jedinice magnetnih traka ponuditi tako da se, što brže i efikasnije »provede kompletni Backup«. Uz ponuđeni Hardware treba tačno specificirati sve njene komponente kojima se podržavaju telekomunikacione veze centralnog računara sa mikoračunarima i terminalima kod subjekata informacionog sistema.

b) SOFTWARE-SKE KOMPONENTE

Uz centralni računar, mikoračunare i terminale ponuditi sistemski Software i Software za upravljanje bazama podataka, koji će obezbijediti siguran rad u mreži: centralnog računara, mikoračunara i terminala po principu distribuirane obrade podataka. Za pojedine segmente jedinstvenog informacionog sistema grada Sarajeva ponuditi aplikativni Software, za projekte javne uprave kao i projekat obračuna LD, pod uslovom

da su isti podešeni organizacionim zahtjevima subjekata jedinstvenog informacionog sistema grada Sarajeva.

c) TELEKOMUNIKACIJE

Ponuditi sve potrebne Hardware-ske i Software-ske telekomunikacione komponente za funkcionisanje ON-line mreže.

d) ŠKOLOVANJE

Uz ponuđenu opremu priložiti prijedlog ugovora o školovanju kadrova Zavoda za informatiku i statistiku grada Sarajeva i subjekata jedinstvenog informacionog sistema grada Sarajeva, kao i sve uslove pod kojima bi se obuka kadrova obavljala i plan obuke kadrova po strukturi.

e) OSTALI USLOVI

Za ponuđeni Hardware i Software priložiti odgovarajuću dokumentaciju proizvođača sa svim tehničkim karakteristikama.

Ponudač je dužan priložiti:

- ponudu sa prilogom
- listu rezervnih dijelova
- garanciju uz ponudu
- garanciju za potpuno i savjesno izvršavanje ugovora
- spisak standarda
- spisak crteža i nacrti
- program izrade, isporuke i izvođenja radova
- servisne usluge
- broj i strukturu osoblja koje će raditi na izvođenju materijalnih radova
- pregled jedinačnih cijena za montažerske radove
- strukturu cijene računarske opreme i materijala i izvođenja montažerskih radova
- obrazac ugovora, sve prema opštim uslovima za davanje ponude i zaključenje ugovora.

Za sve ponuđene varijante opreme, dati cijene sa opcijama i uslovima plaćanja: dinarski, devizni, kreditni aranžman i ostale mogućnosti.

Ugovor se sklapa za I i II fazu razvoja, dok će se realizacija sve četiri faze, odnosno instalisanje ukupne opreme obaviti tokom četiri godine prema dinamici datoj u dokumentacionoj osnovi.

Dokumentacionu osnovu (opšte i tehničke uslove) ponudači mogu dobiti na uvid i raspolaganje u Zavodu za informatiku i statistiku grada Sarajeva; Slaviše Vajnera Čiče 2, Sarajevo svakim radnim danom ili na telefon 071/30-022 i 30-235.

Zapečaćene ponude sa pratećom dokumentacijom na srpskohrvatskom jeziku u tri primjerka dostaviti u roku od 60 dana od dana objavljivanja ovog oglasa u »Službenom listu SRBiH« sa naznakom - ponude za računarsku opremu - ne otvarati

Adresa: Zavod za informatiku i statistiku grada Sarajeva, Sarajevo, Slaviše Vajnera Čiče broj 2.

»22. DECEMBAR« SARAJEVO, OOUR »1. SEPTEMBAR« GORAŽDE, na osnovu odluke Komisije za radne odnose Osnovne organizacije udruženog rada »1. septembar« Goražde, broj 684/88. od 1. jula 1988. godine objavljuje

OGLAS

za prijem u radni odnos na neodređeno vrijeme:

1. materijalni knjigovođa - 1

Uslovi: SSS, ekonomski tehničar, četvrti stepen složenosti i 6 mjeseci radnog iskustva.

Uz prijavu priložiti dokaze o školskoj spremi i radnom iskustvu.

Oglas ostaje otvoren 8 dana od dana objavljivanja u »Službenom listu SRBiH«.

Prijave slati na adresu: OOUR »1. septembar« Goražde, Ul. Braće Petkovića br. 1, 73000 Goražde.

ZBOR RADNIKA RADNE ZAJEDNICE STAMBENE ZADRUGE BOSANSKI NOVI

raspisuje

OGLAS

za popunu slobodnih radnih mjesta za obavljanje poslova i radnih zadataka i to:

1. nadzornog organa na neodređeno vrijeme 1
2. rukovodioca štedno kreditne službe na neodređeno vrijeme – izvršilac 1
3. građevinski tehničar na neodređeno vrijeme 1
4. pomoćni radnik–kurir–čistač na neodređeno vrijeme 1

Pored opštih uslova kandidat treba da ima sljedeće uslove:
 Pod 1) građevinski inženjer, visoka stručna sprema sa položenim stručnim ispitom i položen vozački ispit sa dvije godine radnog iskustva u struci.

Pod 2) završeni ekonomski fakultet, visoka stručna sprema sa najmanje dvije godine radnog iskustva u struci.

Pod 3) građevinski tehničar, srednja stručna sprema sa položenim stručnim ispitom, položen vozački ispit i najmanje jedna godina radnog iskustva u struci.

Pod 4) završena osmogodišnja škola i najmanje jedna godina radnog iskustva.

Uz prijavu priložiti dokaz o stručnoj spremi, radnom iskustvu i izvod iz matične knjige rođenih.

Kandidat pod rednim brojem 1 i 3 dokaz o završenom stručnom ispitu i vozačkom ispitu.

Oglas ostaje otvoren 8 dana od dana objavljivanja.

Prijavu sa dokazima o ispunjavanju uslova dostaviti Radnoj zajednici Stambene zadruge Bosanski Novi, Ulica Šoše Mažara broj 8.

Nepotpune i neblagovremene prijave neće se uzimati u razmatranje.

Obavezno testiranje.

RO SREDNJOŠKOLSKI CENTAR KISELJAK shodno odluci Savjeta, vrši

ISPRAVKU KONKURSA

za izbor pomoćnika direktora, objavljenog u »Službenom listu SRBiH«, broj 9/88 od 11. aprila 1988. godine, utoliko što se briše riječ »reizbor«.

SUDSKI OGLASI**OGLASI REDOVNIH SUDOVA****PROGLAŠENJE UMLIM I DOKAZIVANJE SMRTI**

Kod Osnovnog suda II u Sarajevu vodi se postupak za proglašenje umrlim Krste Plevanovića. Rok prijave sudu, tri mjeseca. (R 319/88-512/1-s)

Kod Osnovnog suda u Livnu vodi se postupak za proglašenje umrlim Šunjka (Save) Stojana iz Vrbice, rođenog 1910. godine. Rok prijave sudu, tri mjeseca. (R 34/88-513-s)

Kod Osnovnog suda u Livnu vodi se postupak za proglašenje umrlim Pirija (Muharema) Salina iz Livna, rođenog 1896. godine. Rok prijave sudu, osam dana. (R 30/88-514-s)

Kod Osnovnog suda U Bosanskoj Dubici vodi se postupak za proglašenje umrlim Dodik (Miće) Miloša iz Međeđe. Rok

prijave sudu ili Lončar Milivoju iz Međeđe, 15. dana.

(R 152/88-540-s)

Kod Osnovnog suda u Mostaru vodi se postupak za proglašenje umrlim Knezović (Nikole) Luke iz Goranaca, koji je navodno nestao u toku II svjetskog rata. Rok prijave sudu ili Knezović Ivanu iz Mostara, tri mjeseca. (R 177/88-610-s)

Kod Osnovnog suda u Mostaru vodi se postupak za proglašenje umrlim Barbarić (Ivana) Mile iz Dragičine i Barbarić (Ivana) Joze iz Dragičine, koji su navodno nestali u toku II svjetskog rata. Rok prijave sudu ili advokatu Vlašić Damjanu iz Mostara, tri mjeseca. (R 371/87-511-s)

Kod Osnovnog suda u Banjaluci vodi se postupak za proglašenje umrlim Žižak (Ante) Ilije, rođenog 18. novembra 1905. godine u Motikama, koji je navodno nestao krajem 1945. godine. Rok prijave sudu ili Majdandžić Anti iz Banjaluke, Motike 105, tri mjeseca. (R 177/88-503-s)

Kod Osnovnog suda u Bosanskoj Dubici vodi se postupak za proglašenje umrlom Babić (Milovana) Mare iz Bijakovca. Rok prijave sudu ili Barišić Milanu iz Bijakovca, 15 dana. (R 128/88-492-s)

Kod Osnovnog suda u Cazinu vodi se postupak za proglašenje umrlom Mušić (Huseina) Sačime iz Stijene, koja je navodno umrla 1981. godine. Rok prijave sudu, mjesec dana. (R 202/87-480-s)

Kod Osnovnog suda u Lištici vodi se postupak za proglašenje umrlim Musa (Jakova) Pere iz Čerigaja, rođenog 1. 1. 1923. godine. Rok prijave sudu, tri mjeseca. (R 278/87-516-s)

Kod Osnovnog suda u Prijedoru vodi se postupak za dokazivanje smrti Adamović (Milana) Alekse, rođenog 5. maja 1883. godine, koji je navodno umro u martu 1945. godine. Rok prijave sudu ili Centru za socijalni rad Prijedor, mjesec dana. (R 785/87-562/1-s)

Kod Osnovnog suda u Prijedoru vodi se postupak za dokazivanje smrti Vukčević (Tadora) Jovana, rođenog 15. marta 1864. godine, koji je navodno umro 1943. godine u Čeli. Rok prijave sudu ili Centru za socijalni rad Prijedor, mjesec dana. (R 857/87-505-s)

Kod Osnovnog suda u Prnjavoru vodi se postupak za dokazivanje smrti Milašinović Ilije iz Čukala. Rok prijave sudu ili Milinčić Ljubici iz Otpočivaljke, mjesec dana. (R 142/88-562-s)

Kod Osnovnog suda u Velikoj Kladuši vodi se postupak za proglašenje umrlim Višnjić (Rada) Nikole iz Šiljkovače, koji je navodno poginuo 1942. godine. Rok prijave sudu, mjesec dana. (R 43/88-641-s)

Kod Osnovnog suda u Velikoj Kladuši vodi se postupak za proglašenje umrlim Savić Stanka iz Šiljkovače, koji je navodno poginuo 1942. godine. Rok prijave sudu, mjesec dana. (R 42/88-642-s)

Kod Osnovnog suda u Lištici vodi se postupak za proglašenje umrlim Glavaš (Luke) Vlada iz Drinovaca, rođenog 10. 9. 1922. godine, koji je navodno nestao 1940. godine. Rok prijave sudu, tri mjeseca. (R 15/88-556-s)

SADRŽAJ

234 Zakon o izmjenama i dopunama Zakona o prostornom uređenju 689

235 Zakon o dopuni Zakona o sistemu društvenog planiranja i o Društvenom planu Bosne i Hercegovine .. 689

236 Odluka o izmjenama i dopunama Poslovnika Skupštine Socijalističke Republike Bosne i Hercegovine 690

237 Odluka o imenovanju članova Skupštine Univerziteta »Đuro Pucar Stari« u Banjaluci 697

238 Odluka o izboru predsjednika Osnovnog suda udruženog rada u Mostaru i stalnih sudija sudova udruženog rada	697	di obezbjeđenja uslova za priključenje na elektroenergetske objekte ili povećanje priključne snage postojećih trošila	700
239 Uredba o naknadama za putne i druge troškove radnika republičkih organa uprave i republičkih upravnih organizacija	697	Samoupravni sporazum o izmjenama Samoupravnog sporazuma o kriterijima i visini posebnog jednokratnog novčanog iznosa koga plaćaju potrošači električne energije radi obezbjeđenja uslova za priključenje na elektroenergetske objekte ili povećanja priključne snage postojećih trošila	700
240 Izvodi izmjena iz odluka skupština opština i skupština samoupravnih interesnih zajednica o stopama poreza i doprinosa iz ličnog dohotka iz radnog odnosa po opštinama	698	SAMOUPRAVNA INTERESNA ZAJEDNICA ZDRAVSTVENE ZAŠTITE KONJIC	
Rješenje o postavljenju pomoćnika direktora Republičkog zavoda za statistiku	699	Odluka o izmjeni Odluke o stopi doprinosa za zdravstvenu zaštitu radnika	700
Rješenje o postavljenju savjetnika republičkog sekretara za finansije	699	SAMOUPRAVNA INTERESNA ZAJEDNICA ZDRAVSTVENE ZAŠTITE SARAJEVO	
USTAVNI SUD BiH		Odluka o izmjeni i dopuni Odluke o učešću osiguranih lica u troškovima korištenja pojedinih vidova zdravstvene zaštite	701
Odluka o ukidanju Pravilnika o davanju stanova na korištenje, kreditiranju stambene izgradnje i poboljšanju uslova stanovanja Radne organizacije Centar za socijalni rad Živinice, od 13. novembra 1980. godine i odluka o izmjenama i dopunama Pravilnika o davanju stanova na korištenje, kreditiranju stambene izgradnje i poboljšanju stambenih uslova radnika Radne organizacije Centar za socijalni rad Živinice, od 13. januara 1984. godine, 27. marta 1986. godine i 24. marta 1987. godine.	699	Odluka o izmjenama i dopunama Odluke o doprinosu za zdravstvenu zaštitu radniak SIŽ-a zdravstvene zaštite Sarajevo	701
SAMOUPRAVNA INTERESNA ZAJEDNICA ELEKTROPRIVREDE BiH		SAMOUPRAVNA INTERESNA ZAJEDNICA ZDRAVSTVENE ZAŠTITE ZENICA	
Odluka o dopunama Tarifnog sistema za prodaju električne energije	699	Odluka o izmjeni i dopuni Odluke o stopama doprinosa za zdravstvenu zaštitu za 1988. godinu	701
Odluka o izmjenama Samoupravnog sporazuma o kriterijima i visini posebnog jednokratnog novčanog iznosa koga plaćaju potrošači električne energije ra-		Ispravka Odluke o usklađivanju dodatne novčane pomoći, dodatka za člana porodice nesposobnog za rad i dodatka za samohranost i valorizaciji imovinskog cenzusa od 1. januara 1988. godine	701

TARIFA

O NAPLATI TROŠKOVA ZA OBJAVLJIVANJE OGLASA U »SLUŽBENOM LISTU SRBiH«

Organi, organizacije, zajednice i pojedinci koji dostavljaju oglase radi objavljivanja u »Službenom listu SRBiH« na ime objave plaćaju i to:

1. OGLAŠAVANJE NEVAŽEĆIM LIČNIH ISPRAVA I DOKUMENATA

- svjedočanstva, radne knjižice, knjižice za povlaštenu vožnju i druge lične isprave 3.000 din.
- izgubljena invalidska knjižica 300 din.

2. OGLASI REDOVNIH SUDOVA

- proglašenje umrlim, dokazivanje smrti, ostavinski i parnični postupak 16.500 din.

3. SLUŽBENE OBJAVE

- upis u registar i brisanje iz registra ugostiteljskih i zanatskih radnji 19.500 din.
- oglašavanje nevažećim pečata, štamblja, čekova i ostale službene objave po jednom štampanom retku 5.250 din.

Za sve vrste oglasa uplate se vrše UNAPRIJED na žiro račun broj: 10100-603-1396 ili u gotovu na blagajni Službenog lista SRBiH, Sarajevo, Ulica Magribija 3.

Uplatnica treba da bude čitko popunjena sa naznakom svrhe uplate.

Ova tarifa primjenjuje se od 1. avgusta 1988. godine.

NOVINSKO-IZDAVAČKA ORGANIZACIJA
SLUŽBENI LIST SRBiH
SARAJEVO